


Broj:

Sarajevo, 2.3.2022. godine

 BOSNA I HERCEGOVINA
PARLAMENTARNA SKUPŠTINA BOSNE I HERCEGOVINE
SARAJEVO

PRIMLJENO: 27-04-2022			
Organizaciona jedinica	Klasifikaciona oznaka	Redni broj	Broj priloga
02-	50-61670-		1/22

Bosna i Hercegovina

Parlamentarna skupština Bosne i Hercegovine

Dom naroda

n/r predsjedavajućeg **Dragana Čovića**

n/r prvog zamjenika predsjedavajućeg **Nikole Špirića**

n/r drugog zamjenika predsjedavajućeg **Bakira Izetbegovića**


Predmet: Prijedlog deklaracije o osudi agresije na Ukrajinu

Na osnovu člana 153. st. (1) i (2) Poslovnika Doma naroda Parlamentarne skupštine BiH („Službeni glasnik BiH“, br. 58/14, 88/15, 96/15 i 53/16), podnosim Prijedlog deklaracije o osudi agresije na Ukrajinu.

U prilogu dostavljam Prijedlog deklaracije o osudi agresije na Ukrajinu.

Delegat u Domu naroda
Parlamentarne skupštine BiH

Prof. dr. Denis Bećirović



-Prijedlog-

Poštujući opća načela međunarodnog prava koja su sastavni dio ustavnopravnog poretka Bosne i Hercegovine,

Uvažavajući političku nezavisnost, suverenitet, teritorijalni integritet i međunarodni subjektivitet Ukrajine;

Svjesni da svaka prijetnja ili upotreba sile predstavlja kršenje međunarodnog prava i Povelje Ujedinjenih nacija,

Opredijeljeni za jačanje međunarodnog mira i sigurnosti;

Posvećeni demokratskim vrijednostima, vladavini prava i miroljubivoj saradnji među državama;

Na osnovu člana IV. 4. (e) Ustava Bosne i Hercegovine i člana 153. Poslovnika Doma naroda („Službeni glasnik BiH“, br. 58/14, 88/15, 96/15 i 53/16), Dom naroda Parlamentarne skupštine Bosne i Hercegovine je na __. sjednici, održanoj __. __. 2022. godine, usvojio

DEKLARACIJA O OSUDI AGRESIJE NA UKRAJINU

I.

Dom naroda Parlamentarne skupštine Bosne i Hercegovine:

- osuđuje prijetnje oružanom silom ili njenom upotrebom protiv nezavisnih i suverenih država;
- podržava evropski sigurnosni poredak čija su ključna načela sadržana u Povelji Ujedinjenih nacija i osnovnim dokumentima Organizacije za evropsku sigurnost i saradnju, uključujući Helsinški završni dokument i Parisku povelju;
- insistira da se međunarodni sporovi rješavaju mirnim putem koji ne ugrožava međunarodni mir i sigurnost;

- podvlači važnost afirmiranja saradnje država u skladu s Poveljom Ujedinjenih nacija i poštivanja pravne jednakosti svih država;
- ističe važnost poštivanja slobode država da izaberu ili promijene svoje vlastite sigurnosne aranžmane i dosljednog ispunjavanja prihvaćenih međunarodnih obaveza u dobroj vjeri.

II.

Dom naroda najoštrije osuđuje agresiju na Ukrajinu i njen suverenitet, teritorijalni integritet i političku nezavisnost, te poziva Rusku Federaciju da odmah zaustavi vojni napad i povuče svoje oružane snage s ukrajinske državne teritorije.

III.

Dom naroda osuđuje rusko priznavanje samoproglašanih regija Donjecka i Luganska kao čin flagrantnog kršenja suvereniteta Ukrajine i potkopavanja osnova međunarodnog poretka.

IV.

Dom naroda naglašava da su organi Bosne i Hercegovine definirali vanjskopolitičke ciljeve i da imaju obavezu da vanjsku politiku usklađuju sa vanjskom i sigurnosnom politikom Evropske unije. Neprihvatljivo je oružanu agresiju Ruske Federacije na Ukrajinu opravdavati na bilo koji način ili biti neutralan pred stradanjem ukrajinskog naroda i očiglednim napadom na međunarodni poredak i temeljna načela međunarodnog prava.

V.

Dom naroda iskazuje punu solidarnost s Ukrajinom i ukrajinskim narodom te poziva Vijeće ministara BiH, kao i druge organe vlasti na nižim nivoima, da pruže humanitarnu i drugu pomoć Ukrajini u ovom za njih i sav miroljubivi svijet prijelomnom i teškom trenutku.

VI.

Dom naroda nedvosmisleno izražava uvjerenje da je demokratska, slobodna, stabilna i sigurna Ukrajina u strateškom interesu svih građana Ukrajine, Evrope, svjetskog mira i međunarodnog poretka.